



საქართველოს ტექნიკური უნივერსიტეტი

სატენდერო დოკუმენტაცია

ქ. თბილისი
2015 წელი

საქართველოს ტექნიკური უნივერსიტეტი

სარჩევი

I. ტექნიკური დოკუმენტაცია	3
II. ტექნიკური დავალება	4
III. სახელმწიფო შესყიდვების შესახებ ხელშეკრულების პროექტი	6
IV. დანართი №1-ფასების ცხრილი	9

I. პრეტენდენტის ტექნიკური დოკუმენტაცია

1. პრეტენდენტის მიერ წარმოდგენილი ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:
 - ა) ფასების ცხრილს დანართი №1-ის შესაბამისად,
 - ბ) შესყიდვაში მონაწილის რეკვიზიტები: მისი სრული სახელწოდება, იურიდიული მისამართი, ტელეფონის ნომერი, საბანკო რეკვიზიტები, ხელმძღვანელ(ებ)ის სახელი და გვარი.
2. ინფორმაციას შესყიდვის ობიექტის ფუნქციონირების საგარანტიო ვადის შესახებ.
3. პრეტენდენტს არ აქვს უფლება წარმოადგინოს ალტერნატიული სატენდერო წინადადება.
4. პრეტენდენტს 2012 წლის 1 იანვრიდან მოცემულ ტენდერში წინადადებების მიღების დასრულების დღემდე განხორციელებული უნდა ჰქონდეს არანაკლებ 300 000 ლარის ღირებულების ანალოგიური საქონლის მიწოდება. აღნიშნულის დასტურად, პრეტენდენტმა ელექტრონულ სისტემაში უნდა ატვირთოს საბოლოო მიღება-ჩაბარების აქტები.

სატენდერო წინადადებას ხელს უნდა აწერდეს პრეტენდენტი კომპანიის ხელმძღვანელი ან მის მიერ უფლებამოსილი პირი (ამ შემთხვევაში ატვირთული უნდა იყოს შესაბამისი უფლებამოსილების დამადასტურებელი დოკუმენტი).

სატენდერო წინადადების ფასი (ლარებში) წარმოდგენილი უნდა იყოს მიმწოდებლის მიერ ვალდებულებების სრულ შესრულებასთან დაკავშირებული ყველა ხარჯისა და საქართველოს კანონმდებლობით დადგენილი ყველა გადასახადის გათვალისწინებით.

ტენდერის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირისგან: სატენდერო კომისიის აპარატის წევრი: სოფიო ფარსელაშვილი – ტელ: 2-364-368.

II. ტექნიკური დავალება

1. შესყიდვის ობიექტს წარმოადგენს ორი კომპლექტი სამგზავრო (შეზღუდული შესაძლებლობების მქონე პირთათვის) ლიფტის შესყიდვა მონტაჟისა და არსებული დაზიანებული ლიფტების დემონტაჟის ჩათვლით სრული კომპლექტაციით შესყიდვის ობიექტის აღწერილობა:

ტვირთამწეობა - არანაკლებ 450 კგ, 6 გაჩერებით, კარის სიგანე მინიმუმ 90მმ, კარის ტიპი ავტომატური გაღების, კაბინის კედლები უჟანგავი ლითონის, შეზღუდული შესაძლებლობის პირთათვის უნდა ჰქონდეს გათვლილი სამართავი პანელი (სართულების ჩვენებით) და მოაჯირი, სართულებზე ლიფტის გამოძახების ღილაკები უნდა იყოს მანათობელი ისრებით ციფრული მაჩვენებლით, ელ.ენერგიის წყაროს შეწყვეტის შემთხვევაში ლიფტის უახლოეს სართულზე გაჩერების და ავტომატურად კარების გაღების შესაძლებლობით

.მოსაწოდებელ საქონელზე უნდა ვრცელდებოდეს მინიმუმ 3 წლიანი საგარანტიო პერიოდი (სწორი ექსპლუატაციის პირობებში).

- შემდგომი ტექნიკური ხარვეზების თავიდან აცილების მიზნით, პრეტენდენტი ადგილზე უნდა გაეცნოს ლიფტის შახტის მდგომარეობას

2. იმ შემთხვევაში, თუ ტენდერში ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, სატენდერო კომისიის მოთხოვნიდან 5 სამუშაო დღის ვადაში პრეტენდენტმა უნდა დაასაბუთოს ფასწარმოქმნის ადეკვატურობა „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011წლის 7 აპრილის #9 ბრძანების მე-11 მუხლის 21 მუხლის მოთხოვნათა შესაბამისად. აღნიშნული დასაბუთების წარმოდგენილობა გამოიწვევს პრეტენდენტის დისკვალიფიკაციას. ფასწარმოქმნის ადეკვატურობა შესაძლებელია დასაბუთდეს სასაქონლო ზედნადებით და/ან მიღება-ჩაბარების აქტებით, და/ან სსიპ „ლევან სამხარაულის სახელობის სასამართლო ექსპერტიზის ეროვნულ ბიუროს“ ან სხვა აკრედიტებული პირის მიერ გაცემული შესაბამისი დასკვნით (დასკვნის აღებასთან დაკავშირებულ ყველა ხარჯს იხდის მიმწოდებელი).

3. შესყიდვის ობიექტის მოწოდების ვადა ეტაპობრივად, სახელმწიფო შესყიდვის შესახებ ხელშეკრულების გაფორმებიდან 60 კალენდარული დღის განმავლობაში.

4. მიწოდების ადგილი: ქ. თბილისი, გურამიშვილის გამზ. #17

5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში. ფასი უნდა იყოს საბოლოო და ითვალისწინებდეს მიმწოდებლის ყველა ხარჯებს (მათ შორის მონტაჟის ხარჯებს), ასევე საქართველოს კანონმდებლობით დადგენილ ყველა გადასახადს.

6. მიმწოდებელი პასუხისმგებელია მოწოდებული საქონლის ხარისხზე.

7. შემსყიდველი საქონლის მიწოდების პროცესში განახორციელებს საქონლის შემოწმებას. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

8. ანგარიშსწორება მოხდება უნაღლო ანგარიშსწორებით ეროვნულ ვალუტაში, ეტაპობრივად, შესყიდვის ობიექტის მოწოდების შემდეგ, მიღება-ჩაბარების აქტის ხელმოწერიდან 20 კალენდარული დღის განმავლობაში. წინასწარი ანგარიშსწორება არ გამოიყენება.

9. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

10. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

**III. ხელშეკრულება სახელმწიფო შესყიდვის შესახებ
(პროექტი) №**

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი ----- 2015 წელი

ერთის მხრივ – საქართველოს ტექნიკური უნივერსიტეტი (მისამართი: ქ. თბილისი, მ.კოსტავას ქ.№77) წარმოდგენილი ადმინისტრაციის ხელმძღვანელის ქ. ქოქრაშვილის სახით („შემსყიდველი“), და მეორეს მხრივ – ----- (მისამართი:-----) მისი დირექტორის ----- სახით („მიმწოდებელი“), ადასტურებენ, რომ მათ შორის მიღწეული შეთანხმება შემდეგზე:

1. ხელშეკრულების ობიექტი

- 1.1. ხელშეკრულების ობიექტს წარმოადგენს „ამწე და გადასაზიდი მოწყობილობები და მათი მაწილები“-ს (CPV42400000) შესყიდვა.
- 1.2. შესყიდვის განხორციელების საშუალება – გამარტივებული ელექტრონული ტენდერი.

2. ხელშეკრულების ფასი

- 2.1. ხელშეკრულების ფასი შეადგენს: ----- ლარს.

3. ხელშეკრულების შესრულების კონტროლი

- 3.1. შემსყიდველი უფლებამოსილია განხორციელოს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების ინსპექტირებას განხორციელებს შემსყიდველის მხრიდან შესაბამისად უფლებამოსილი პირი;
- 3.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მოწოდების ვადა და ადგილი

- 4.1. შესყიდვის ობიექტის მოწოდების ვადა ეტაპობრივად, სახელმწიფო შესყიდვის შესახებ ხელშეკრულების გაფორმებიდან 60 კალენდარული დღის განმავლობაში
- 4.2. მოწოდების ადგილი: ქ. თბილისი, გურამიშვილის გამზ. №17

5. ანგარიშსწორების ფორმა, ვადები და პირობები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;
- 5.2. ანგარიშსწორება განხორციელდება ეტაპობრივად, შესყიდვის ობიექტის მოწოდების შემდეგ, მხარეთა შორის შესაბამისი მიღება-ჩაბარების აქტის ხელმოწერიდან 20 კალენდარული დღის განმავლობაში.

6. უფლებების გადაცემა

- 6.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

7. ხელშეკრულების პირობების შეუსრულებლობა

7.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით.

7.2 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8. ფორს-მაჟორი

8.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9. დავების გადაწყვეტა

9.1 მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

10. ხელშეკრულების მოქმედების ვადა

10.1. წინამდებარე ხელშეკრულება ძალაში შედის ხელმოწერის დღიდან და მოქმედებს

11. სხვა პირობები

11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

მიმწოდებელი:

IV. დანართი №1

ფასების ცხრილი
პრეტენდენტის დასახელება _____

N	შესყიდვის ობიექტის დასახელება	შესყიდვის ობიექტის ძირითადი მახასიათე ბლები	წარმოშობის ქვეყანა, მწარმოებელი ფირმა და მოდელი	გარანტია	რაოდენობა	ერთეულ ის ფასი	საერთო ღირებუ ლება
1	2	3	4	5	6	7	8

პრეტენდენტის ხელმძღვანელის
ხელმოწერა და ორგანიზაციის ბეჭედი _____

საქართველოს ტექნიკური უნივერსიტეტი